


مکتبہ علمیہ دارالافتاء

۱۸ نجی سنہ

۱۵ رجب ۱۳۱۵

جزء، عدد : ۷۴





گریدك احوال عمومیه و تاریخیه سی

(مابعد عن جزؤ ۷۲)

بونك اوزرىنه ۱۱۱۶ سنه هجریه سنده فاتح قندیه احمد فاضل پاشانك حفيدى اقولوب گريد واليسى بولمىش اولان نهمان پاشايه ارسال اولنان بر قطعه فرمانده املاكك يگیدن تحريريله فردواحد حقسزلق ايقاع اولنامسى و ويركو اصولنجه بعض اصلاحات و تعديلات اجرا ايدلمسى امر و اراده اولمشدر .

ذكر اولنان فرمان موجبنجه املاك يگیدن تحرير اولنهرق، دفتر خاقانى ناميله گريده موجود بولمىش اولدينى بالاده ذكر اولنان دفترلردن ايكنجى دفتر اول وقت ترتيب و تنظيم قلمشدر .

اق صرده موقع اجرايه وضع اولنان اصلاحات و تعديلات خصوصات آتيدن عبارت ايدى :

اولا - بهر جريب باغ و باغچه و بستان اوزرىنه سنوى ۱۰۲ آچه خراج تخصيص ايدلمشدر .

ثانياً - متفرق بر حالده بولنان اشجار مشرهنك هر بريسى ايجون سنوى ۱ آچه خراج تخصيص اولنهرق، خراج مقاطعه لرى الغا اولمشدر .

ثالثاً - زيتون اشجارينك محصولدن و حصوله گلان حريردن سبع مقدارده رسم آلتمسى تنسيب قلمشدر .

رابعاً - اغنامك بهر سنه تعداد ايدلمسييله رسوم شرعيه سنك استيفاسى قرار كير اولمشدر .

جزيره نك دخي کافی السابق تحصيل واستيفاسنه دوام اؤلنمش اؤلوب شوقدرکه
نعمان پاشايه کوندريلان مذکور فرمانده دخي کريدليرك آنفاً ذکر و تعداد اؤلنان
رسوم عرفيه و ديواشيئه نك تسويه سندن معافيتلري بئکرار تصریح و تأييد ايدلشدر .
کمرک معاملاتق حقتده اؤل وقت جاری و مرعی بولنمش اؤلان اصول دخي بروجہ آتی
ایدی . شویله که : تبعه دولت علیه دن اؤلانلر جزیره یه ادخال و اؤرادن اخراج
ایدہ گلديکاري اموال تجاريه اوزرينه بيگده يگرمی بش ويا اللی راده سنده بر رسم
ویرمکه مکلف ايدیلر .

تبعه اجنبیه دن استيفا اؤلنان کمرک رسمنك مقداری ایسه بونلرک منسوب
اؤلدقلى دوللرجه اخذ و استيفا اؤلنان کمرک رسمی مقدارينه مساوی ایدی .
شوقدرکه اجنبی بر دولتك اخذ و استيفا ایدہ گلديکی کمرک رسمنك مقداری معلوم
اؤلدينی حالده اق وقت تبعه سندن بيگده یوز . یعنی تام عشر کمرک رسمی اؤلهرق
آلنمده بولنمش ایدی .

تبعه دولت علیه دن کمرک رسمی آلمان دولتلرک تبعه سی دخي جزیره ده کمرک
رسمی ویرمک مکلفیتندن معاف ایدی .

برده جزیره یه نقل اؤلنان اشيا نك کمرک رسمی دولت علیه نك ديگر بر محلنده
تسويه قلمش اؤلدينی اشيا صاحبي ادعا ايدوبده بؤ بولده واقع اؤلان ادعاسنی
يمين ايله تأييد ایلديکی واقعه یه دولته نصب اؤلنمش کمرک مأموری
بولنمش اولدينی تحقق ایتديکی حالده اق کبی اشيا دن جزیره ده بئکرار کمرک رسمی
آلنمز ایدی .

ایشته جزیره نك دولت علیه طرفدن قتح اؤلدينی ایلک سنلرده موقع تطبيق
واجرايه وضع اؤلنان ویرگو اصولی بوندن عبارت اؤلوب تفصيلات و معلومات
مشروحه « دفتر خاقانی » دینلان دفترلردن آلمان معلومات اساسی اوزرينه تألیف و نشر
ایتمش اؤلدیغم بالاده مذکور رساله دن بورايه نقل اؤلنمشدر .

رسوم و تکالیفه متعلق اولمق اوزره آندن صکره واقع اولان اجراآت و تعديلات
و اصلاحات حقتده الده معلومات صریحه یوقدر . حایه قصبه سنك قنندن برو

محکمه شرعیّه طوتیلوب صرہ سیلہ محفوظ بولنش اولان متعدّد سجلاتده
اجراآت اداره عائد هر درلو معاملات رسمیه قید و تسجیل ایدلمکده بولنش ایدی .
سجلات مذکوردهن بعضیسنی وقتیه نظر تدقیق و مطالعه دن کچیره ذک مندرجاتی کرید
تاریخچه بک مهم اولدیفنی گوردیگمدن . مآذونیت لازمه یی استحصّال ایله دفاتر
مختلفه سنی صرہ سیلہ بالتبع کرک رسوم و تکالیفہ متعلق خصوصانه داتر معلومات .
مقتضیه یی و کرک علی العموم کرید تاریخچه یارایه جق معلومات سائرینی استساخ ایتمک
نیتمده بولدیقم حالده سجلات مذکورده اووقت محفوظ بولنش اولدیفنی حانیه اوقاف
و ایاتم داتر سنده ظهور ایدن بر حریق انساننده کاملاً محترق اوله رق آنلردن
استفاده اولنه نامشدر . مع مافیه رسوم و تکالیفجه مؤخرأ جاری بولنش اصول ،
مؤلفین متأخرینک روایاتندن و جمع ایده بیلدیگم سائر معلوماتدن بر درجه یه قدر
آکلاشیله بیلور . روایات و معلومات مذکوردهن مستبان اولدیفنه گوره ۱۸۳۰
سنه میلادیه سنه قدر کریده واقع قرادن اکثریسی مقاطعات اعتبار اولنوب اشبو
مقاطعات مناسب کورینانلره تفویض اولنه گلش و مقاطعات اصحابی (صو باشی)
نامیه استخدام ایتدکاری تحصیلدارلر معرفتیه رسوم و تکالیفی اهلیدن تحصیل ایله
حاصلات واقعه دن بر مقدارینی حکومت خزینه سنه تودیع ایتمکده بولنش ایدی .
کرید اداره مصریه و یرلدیکی زمان (محمد علی) باشانک امریه مقاطعات بر بدل
مقطوع مقابلنده اصحابی یدندن آلتش و اوزماندنبرو حکومتک نام و حسابنه مقاطعاتنک
بالمزایده ملزمدره حاله اولغسی اصول اتخاذ قلمشدر . اشبو اصولک موقع اجرایه
وضعیه برابر کافی السابق سبع مقدارده رسوم و تکالیف اخذ و استیفاسنه دوام اولنه رق
او اناده داخل اولتان هر درلو محصولات اوزرینه بر مقدار رسم طرح ایدلمشدر .
بدلات عسکریه نك دخی استیفاسنه دوام اولنه رق بدلات مذکورده یی و یرمکله
مکلف بولنش اولان نفوسک عددی آلتش بیگه بالغ ایدی .
کرید اداره مصریه دن آریله رق تکرار سلطنت عثمانیه نك زیر اداره سنه
کچدکدن بر مدت صکره رسوم و تکالیفجه تعدیلات مهمه موقع اجرایه قولنشدر .

حاصلات عشریه ، مقاطعاتک کماکان التزام و برلمی صورتیله تحصیل و استیفا اولمق اوزره اوق و قه قدر سبع مقدارده اخذ و استیفا اوانه گلان رسوم عشره تحویل اولمش اولدینی کبی ، داخلی گمرک رسمی دخی لغو ایدلمش و برده بدلات عسکریه نك دخی تحصیل و استیفا سندن صرف نظر قلمشدر .

بونکله برابر جزیره اهالیسنك من القدیم حازر اولدقلری معافیات ۱۲۹۴ سنه سنده جزیره اعطا اولنان نظامنامه مخصوصك بر فقره سنده تأیید اولنه رق تحصیل و استیفا سی مجاز اولان رسوم و تکالیف دخی فقره مذکورده تعیین و تخصیص قلمشدر .

فقره مذکورده بوجه آتیدر :

« ممالك دولت علیه نك ایالات سارمه سنك حکومته تأدییه ایلدقلری ویرکودن »
 « کرید اهالیسی من القدیم معاف اولدقلرندن جزیره اهالیسنندن یالکر اعشار و مسکرات و گمرک رسوماتیله اخراجات و صرفیات داخلیه گمرکنك تنزیلی مقابله ده »
 « احداث اولمش اولان طوز و توتون رسومندن و من القدیم سار ممالكله برابر »
 « جزیره اهالیسی طرفندن دخی تأدییه اولمقده اولوب فقط بوکره اصلاحاتی اجرا »
 « اولمقده اولان رسومات معینه دن بشقه برشی آلتامسی » مؤخر آ مسکرات رسمی لغو اولنه رق توتون دخی عشردن بشقه بر رسمه تابع طوقلامش اولدیغندن جزیره ده اخذ و استیفا اولنان رسوم و تکالیف (اولا) عموم محصولات شتاییه و صیفیه اعشارندن (ثانیاً) اغنام اوزرینه طقوز پاره رسندن (ثالثاً) شرابك بهر قیسی اوزرینه اوچ پاره دن و (رابعاً) گمرک رسومندن عبارت قالمش اولوب ، بونکله برابر جزیره حاصل اولان صمان و اهالینك استعمال زاتیلرینه مخصوص اولمق اوزره طوؤزلی صؤ ایچنده محافظه ایتدقلری زیتون دانلری عشردن معاف طوقلامشدر .
 دواړ بلدییه عائد برطاقم رسوم دخی آلتامده ایسه ده بونلر پك جزیریدر .
 رسوم مذکورده اولا عشر اولمقده اولان محصولات اوزرینه غیر از عشر یوزده یازم ، ثانیاً اغنامك بهر رأسی ایچون غیر از رسم بش پاره ، ثالثاً بر ناحیه دن دیگر ناحیه نقل اولنه جق کراسته بهاسندن یوزده ایکی ، رابعاً دکا کین ایله ایجار اولنان

خانه لرك بدل ایجاراتی اوزرینه یوزده بر، خامسا برنجی صنی سنده یوز آلتش
وایکنجی صنی سکسان و اوچنجی صنی قرق و دردنچیی یگر می و بشنجیی اون
غروش ویرمک اوزره (پانت) رسمندن و سادسا بالمزایده بیع اولنان اموال منقوله
و غیر منقوله نك ثمن مبیعی اوزرینه تعرفه سی . موجبنجه معین اولان رسمندن ، سابعا
صید و شکار تذکره لرینك بهری ایچون اون غروشندن عبارت بولمشد .

بو مدت صکره مجلس عمومی و لایحه ویریلان قرار موجبنجه گرید مال
صندوقه عائد اولمق اوزره شهرلرده کی املاک و عقار بدل ایجاری اوزرینه یوزده
بش و حالیا و آینیقولا و اسپرلقه و قالیوس قصبه لر ایله کیسامو قستل و قاندانوکچی
قضالر مراکری بولنان بیوک قریه لرده کی املاک و عقار بدل ایجاری اوزرینه دخی
یوزده ایکی بقی بر رسم طرح اولوب رسم مذکورک حاصلات سنویه سی ولایت
غزیه سیله اعلان اولنان گرید بودجه سنك واردات قسمنده کوسترلدیگی وجهله
۸۰۰۰۰۰ غروشه بالغ اولور . نهایت خارجه اخراج اوله گلان محصولانك
عشری ، گمزکلردن حین امرارنده تسویه اولمق صورتیله اعشار اصولی دخی بوندن
اقل اعلان اولندیغی وجهله تعدیل اوله رق بو صورتله زیتون یاغیله سائر بعض
محصولاتدن صرفیات محلیه عائد قسمی هر بر رسومندن کلیاً معاف قالمشدر .

(مابعدی نسخه نالیده)

شورای دولت ملکیه دائره سی اعضا سندن

آندریا قوپاسی

